

CICIKOANBADIEGU

GUFENEMA MASOAGINDO

BULICINA FASO

Ti baa dógú pò, li yaa dani kúuma, ti baa paadí

**BÀALÓ KOANBÁLA TÁÁNLI
JÁGA DOAGIDIMA**

(PP-G N°007-2026)

Pengidiwende Silibeedi WEDIRAWOGO

Wagidugu, li binli 2026 cilie dana 26

Báaló Koanbála táánli den kàli Wagidugu
nani ban mááni ki tiedi màamà dana lele kúli,
li binli 2026, cilie dana 26, alaamuda daali
ki cili leerì 9 yogunu ki ban gbeni leerì 10 leni miniti 54,
Kapitenni Ibirayimi TARAWORE, yua n tie ti Diema Yudanciamo
leni a Koanbála Táánli Lìgìiyúá n den gobidi laa táánli.

A Koanbála Táánli den noanli li daali máyùla nni
ki tàà a jága, ki púni i làabáali,
ki dini bi niba a bála li tuonli pò,
ki ñani niyendo Bàalo tuonli nni,
ki púni u sanu bi niba n gedi dietoama nni ti diema yèli pò.

.

I. A JÁGA

I.1. KU CICIKOANBADIEGU KANI

A Koanbála Táanli táa **masienkàama tili yenli** ki cilini yaa tuoncàgili n baa yaa diidi Bàaló piama wan die yaa tuonsoanjaana leni yaa tuonsoandiedi nni.

Bàaló leni wan die yaa tuonsoanjaana leni yaa tuonsoandiedi pia ban tááni ki die yaa piama laa tuonsoanjaana nni leni laa tuonsoandiedi nni.

Ki cilini yaa càgili n baa yaa diidi Bàaló leni wan die yaa tuonsoandiedi piama a tuonsoanjaana nni baa teni Bàaló n báa yaa tuoncàgili n baa fidi ki yaa gobidi o piama o tuonsoanjàacéle nni leni wan tááni leni boncéli danba ki die tuonsoanjaana nni. Laa tuoncàgili baa teni ban wadi a tuonsoanjaana nni yaaliyaali tuona sonma ki go gagidi ki sieni yuakuli o tuonsoanbánma kàanu.

Laa masienkàama tili táama baa teni ban cilini yaa tuoncàgili n baa yaa diidi Bàaló piama wan die yaa tuonsoanjaana leni yaa tuonsoandiedi nni.

I.2. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA KANI.

A Koanbála Táanli táa **masienkàama tili yenli** ki waani ke li báli máama ji bili ke bi kan go tieni Bàaló n die yaa biadi yaa mààlima lanba n gagidi ki waani ke li tie Bàaló biadi.

Laa masienkàama tili guani ki pegidi yaa masienkàama tili lanba n tie n°2013-656/PRES/PM/MIDT/MEF/MATS/MDNAC, ban den táa yaama li binli 2013, cilele dana 30 ki waani yaa báli máama n bili ke bi kan go tieni Bàaló n die yaa biadi yaa mààlima lanba n gagidi ki waani ke li tie Bàaló biadi.

Mine masienkàama gòàpegidima mayùli tie ki teni ti biadi mààlima lanba tienma n yaa fààlí ama ki yaa go tiani ke gagidima bà mààlima ki go ye Bàaló leni yaa biadi n pugidi siiga.

Laa masienkàama tili táama baa teni ban báa ki yaa kubi Bàaló biadi ke gagidima mààlima ki ye.

I.3. YAA KOANBADIEGU N DIE U LOAGU LENI I LIGI KUBIMA TUONA KANI.

A Koanbála Táanli táa **maadidaginma tili** ki baa mia Depiteenba n páa u sanu Gufenema n tòó li pànli ke li sieditili lanba tie n°16869P, Bulicina Faso n den ñii yaali leni OPEPE ligicàgili yaali n moa li ñandunli findima (OFIDE) pò ki baa báa i ligi bi niba findima tuona bangima pò mi taabualiema.

OPEPE ligicàgili yaali n moa li ñandunli findima pò n baa ñani yaa ligi bi niba findima tuona bangima mi taabualiema pò táanma fii **dollari 30 000 000 Ameriki ligi nni** lani n tie **16 740 000 000 Seefa ligi nni**.

Laa ligi báama baa pugini Gufenema n tie yaa aniali yaala n bua tonma pò li laafiali leni u cógú sanbila nni.

Laa maadidaginma tili tòóma baa teni Gufenema n mia Depiteenba n páa u sanu ban gáa li pànli yaali yaa sieditili lanba n tie n°16869P, Bulicina Faso n den ñii yaali leni OPEPE ligicàgili yaali n moa li ñandunli findima (OFIDE) pò, ki báa i ligigi bi niba findima tuona bangima pò mi taabualiema, ke li tuugi leni yaa báli máama n tie n°023-2025/ALT, ban den ñani yaama li binli 2025, piiga n cilie dana 29 ki waani ke Gufenema pia u sanu ki mia Depiteenba n tòó Bulicina Faso n yen ñii i ligi todima maadidagidima sieditila leni i ligi todikàaba

I.4. LI GUUNLI KOANBADIEGU KANI

A Koanbála Táanli táa **maadigagidima tili** ki baa soagini ti diema nni ti gbanñagidi danba (li guunli jakoanda) tuonli nni yuakuli n báa o báli n pugini baabiyendu.

Li guunli jakoanda tuona mábilikàama tili nni, li bili ke li guunli jakoando n báá o baabi n pugini li tuonli nni kàli o tieni o báli puginma titoali. Leni lani kuli li guunli jakoando n ña wan bi se naani o tuonli nni ki suagi liiga, li baa ñoadi leni wan soani yaa bina n da màamà.

Ama, li ya tie mi yànduànma póádima yogunu, bi náá yen fidi ki ñòàdi nani li guunli jakoanda tuona mábilikàama tili n bili màamà li guunli jakoanda tuonli soangima leni bi baabi puginma pò. Mi yànduànma póádima pò go yen teni ke yogununba baa yen tiadi ki teni jakoando kúli n moandi ki go puni o yùli màamà bu toabu nni mi yànduànma gúánma pò, o báli baabi n pugini. Leni laa bonla pò, li pundi ban lè ban baa táa yaa jága yaala n tie mi diema nni li guunli jakoanda tuonli nni bi bála baabi puginma gobidima pò.

Laa jága tie ki teni mi diema nni li guunli jakoando kúli n báa ki súágí liiga o tuoncàgili nni bi ki ña o tuoncàgili nni ki kua tuoncagitoali nni, ki tuugini leni yuakuli n moandi ki soani màamà mi yànduànma yogunu, mi yànduànma póádima yogunu, bu toabu yogunu bi leni yaa tuonpáali n baa fidi ki cuani jalibu boncianla soanma pò.

Laa maadigagidima tili tùóma baa teni ban báa ki soagini liiga mi diema nni li guunli jakoando kúli báli baabuyendu ke li tuugi leni li báli màamà yaama yaa lanba n tie n°020-2025/ALT, ban den ñani yaama li binli 2025, piiga n cilie dana 22, ki waani ke Gufenema yen pia u sanu ki táa a jága ban súa ke yaala n tie tiladi mi diema guunli tuona pò.

I.5. YAA KOANBADIEGU N DIE TI BUUDI TUONA KANI

A Koanbála Táanli kpaagi **ki bogini báli máama lie (02)**

Ban bogini yaa báli máama mi kpiama guani ki pegidi ban den táa yaa báli máama li binli 1998, cipiiga dana 13 ke mi lanba tie n°045/98/AN ki luodí Banfora, Jakpaga leni Tugan bubuudidieciandi.

Bulicina Faso Gufenema den guani ki bogini mi diema tinbuona màamà ke li baa pugini mi diema tinbuona gobidima ñamu. Li yaapo bi den cilini porovensipànba ki go cáa ki boagidi kominnitianba. Laa gòàboginma sii ti Bubuudidietiani mi diema nni.

Mine báli máama gòàpegidima baa teni ban guani ki bili Jakpaga bubuududieciangu n ji baa yaa die yaa tinbuona lani n tie Gobinangu leni Jamoangou porovensinba tinbuona. Yeni, ti Bubuududiedi kààni baa yaa yegi leni mi diema tinbuona n gòà ki bogini màamà.

A Koanbála Táanli tùó ke ban bogini yaa báli máama nne n pundi Dipiteenba Tuonsoandiegu kani.

Ban bogini yaa báli máama mi liema guani ki pegidi li báli máama yaama yaa lanba n tie n°023-2007/AN, ban den ñani yaama li binli 2007, piiga n cilo dana 08 luodí Jibo, Nuuna, Orodara leni Diebugu Bubuudidieciandi.

Laa báli máama gòàpegidima baa teni ban guani ki bili Jibo Bubuudidieciangu n ji baa yaa die yaa tinbuona lani n tie Jeligoji leni Karo Peli porovensinba tinbuona. Yeni, ti Bubuudidiedi kààni baa yaa yegi leni mi diema tinbuona n gòà ki bogini màamà.

A Koanbála Táanli tùó ke ban bogini yaa báli máama nne n pundi Dipiteenba Tuonsoandiegu kani.

I.5. LI LAAFIALI KOANBADIEGU KANI

A Koanbála Táanli taa **masienkàama tili yenli** ki guani ki lebidi yaa masienkàama tili lanba n tie n°2024-1723/PRES/PM/MS/MICA/MEF, ban den ñani yaama li binli 2024, piiga n cilie dana 31 ki waani ke bi tùó u logitoñogu tagima tuonsoacàgili yaali n ye Kokologo dogu nni tuonli mábilikàama tili.

A Koanbála Táanli yaali n den tieni li binli 2025, cilie dana 05 daali, bi den táa yaa masienkàama tili n guani ki pegidi mi másienkàama tili n°2024-1630/PRES/PM/MICA/MEF/MS, ban den ñani yaama li binli 2024, piiga n cilie dana 23 ki cilini u logitoñoagu tagima tuonsoancàgili (FASO FARIMA) Kokologo dogu nni. Laa masienkàama tili teni ke Bàaló diedi u loagu findima tuonjaali yaali n ye Kokologo dogu nni n bi pia yaala FASO FARIMA tuonsoancàgili nni.

Ban den ñii yaa masienkàama po ki cilini FASO-FARIMA tuonsoancàgili lebidima teni ke yaa masienkàama tili n den doagidi ke bi tùó laa tuonsoancàgili tuona mábilikàama moko guani ki báa mi pegidima.

Mine masienkàama tili táama baa teni u logitoñoagu tagima tuonsoancàgili (FASO FARIMA) yaali n ye Kokologo dogu nni n báa mábilikàama tipàana li tuona cenli ñamu pò.

I.6. YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBÁNMA TUONA KANI

A Koanbála Táanli táa **masienkàama tili yenli** ki waani Bàaló tuonsoancàga leni yaa tuonsoandiedi n tuuni bi niba sáálà-yéma ñamu pò táancianli n yen baa bogini màama.

Mine masienkàama tili tie ban guani ki pegidi yaa masienkàama tili ke li lanba tie n°2000-192/PRES/PM/MICA/ME, ban den ñani yaama li binli 2000, cimuu dana 17 ki waani Bàaló tuonsoancàga táancianli n yen baa bogini màama. Li boncànla yaala n tugi yùli laa masienkàama tili nni, li bontiala nne :

- Ki yaa goandi Bàaló tuonsoandiedi yaadi n tuuni bi niba sáálà-yéma ñamu pò tuona leni a ligi n cúóni màama;

- ki teni Bàaló tuonsoancàga leni yaa tuonsoandiedi n tuuni bi niba sáálà-yéma ṇamu pò gobidima càga n yaa tiendi à táánboginkàana lan teni ban yen tùodi ki táa a jaga a tuona boginma càga gobidikàaba pò leni a ligikubila pò hali ke li táancianli daali daa pundi , ki go yen tùodi ki bandi yaa pàka n ye leni a gaapó n baa ña naani;
- ki yen le ban baa mábiní màama yaa nilo n bìi po.

Mine masienkàama tili bua ki teni Bàaló tuonsoancàga leni yaa tuonsoandiedi n tuuni bi niba sáálà-yéma ṇamu pò táancianma boginma n yaa pia lan tuugi leni yaa báli máama a gobidma ṇamu pò.

Laa masienkàama tili táama baa teni Bàaló tuonsoancàga leni yaa tuonsoandiedi n tuuni bi niba sáálà-yéma ṇamu pò n báa yaa báli máama n gobidi a tuona goandima leni a ligi cenli ṇamu.

II. I LÀABÁALITENKE

II.1. Ti diema niba tuonsoanba koanbáli den puni a Koanbála Táanli yaa làabáalu n tuugi leni yaa jaga n táa Bàaló tuonsoanba yaaba yaa tuada ke KORAGI (li tie yaa tuoncagili n koani leni li suuli tuada a tuonsoanjaana nni) den doagidi li binli 2026 cilie daali 1.

Bi ñii KORAGI n diani yaa tila pò yo ki kuli laa tuonsoanba li sùuli biili ki yuandi ki báa bi siiga tianba pò u cuonu. Yeni, bi den ñani tuonsoantianba li tuonli nni, ki luodi tianba mo yaa pò u cuonu sanbila. A sanbila ñoadima n tuoni u banlu, bi jiini polisi tuonsoanlo o joa Seni SANKADE baabi (bali), o lanba li tuonli tie 240 559; polisi tuonsoanlo o joa Rasidi WEDIRAWOGO, o lanba li tuonli tie 1 104 2021 0068, bi ñaa wan wani ki waani ke baa fidi ki la o kani tagili bà kuli.

Gufenema táa li jagili ki baa teni bi niba n ñoadi mi teginma sanu mi gobidima leni li kubili nni ke lan yaa yegi leni mi lèbidima yaama n cua yuakuli pò.

II.2. I làabáali, ku mààsùagu, i nii tagima leni yanluadi goada tuona koanbáli puni a Koanbála Táanli u làabáalu ki waani ke bi bogidi ti candiedi leni yanluadi goada badiciamu mi tabuama 16 li ñandunli kuli pò Wagidugu dogu nni (SITO) li binli 2026 ciyia dana 22 ki gedi 27.

Laa badu mayùli tie : « **I ligi bàama yaa tuona n pia mayùli pò : li tie yaa sanbili n baa cuani yanluadi goada bonla ñuadima findima** ». SITO badu yu n baa tieni mi tabuama 16 yeni sugini ki ñanbi ki ñii yanluadi goada bonla ñuadima tuona todima leni i ligi ke lan todi yanluadi goada bonñuadikàala gbanmanu n pugini ti diema nni.

Tuona boncianla baa soani laa badu yogunu. Ani n tie:

- yanluadi goada bonñuadima tuonsoanba baa kádi ki boe leni yaba bi tuonli ñantaadi pò;
- a táana baa tieni li majali pò ki tuugi leni yanluadi goada bonñuadima tuona ya n pia mayùli;
- ti diema piamma ti màaásùadi leni yanluadi goada bonñuadima doagidima;
- yanluadi goada bonñuadima baa tieni ku niligu pò.

Bi baa tabini leni li binli 2026 SITO ki bogini AYESI dogi yanluadi goada bonñuadima tuonsoanba taanli. Li taanli juodima, yaa tuoncaga n tuuni ti candiedi tuona sanbili nni AYESI dogi nni baa ñii ku danligu mádagidikàama tili ke lan todi laa dogi yanluadi goada bonñuadima piamma paalu n pugini.

II.3. Li laafiali koanbáli puni a Koanbála Táanli u làabáalu ki waani ke taancianli baa taani ti diema niba ki tuugi leni i ligi bàama li laafiali pò, Wagidugu dogu nni li binli 2026 citaa dana 25 ki gedi 27.

Laa taancianli majali tie « **Ki diani li laafiali ligi bàama sanbili yaali n ñani ki go tie yenma yuakuli pò ke lan teni tin diedi ti yula li faafiali nni ki go todi tin pundi ti sugini ki pundi naani li binli 2026 ki gedi 2030** ». Li taanli mayuli tie ki ki bili i yogini li laafiali ligi bàama tuona pò Bulicina Faso nni ki go waani laa tuona n baa soani yaa yogunu.

Li tie ki diidi ki le a tuona n soani ki sùagi liigi màamà leni yaa mùana n ye Bulicina Faso nni ki tuugi leni li laafiali ligi bàama. Li go tie ki baa i niboandogi leni li ñandunli dogi n pia yaa banma ke mi ñani ki go ñani bi todikaaba n baa yaa ñua yaa sanbila.

Bulicina Faso diema Yudanciamo n tugi li laafiali ligi bàama taancianli yùli.

II.4. A bicegidikàana cógú leni mi tuonsoanbangima koanbáli waani a Koanbála Táanli ban bogini yaa bangima yaaba n pia iniverisite banma sieditila ki baa teni ban soani tuontoana. Laa bangima tieni li binli 2025 cipiiga dana 20 ki gedi li binli 2026 cilè dana 30.

Banma sieditila danba 260 yaaba n den ñani Bobo-Julaso, Kudugu, Wayiguya leni Wagidugu ki cua bangima yaala n tie biigima . Yaala n den tugi mi bangima yuli den tie ki bangi ba mi cuginma sanbipaana leni mi bankuonma 5% leni li tiénli 95% ke li pundi ñmaali taa (03) tuonbuoli 06 nni. Mi bangima yeni niinni den pia mi dogimatiema tuariñama leni u baadogu buama bangima.

Laa bangima baa todi yaaba n baa ma n cili yaa tuona n baa cuani bi po li baali .

Mi bangima yaaba n pia iniverisite banma sieditila pò mayuli tie ki teni ban baa yaa banma n baa todi ba ban baa li tuona. Li tie fòlú yo yaaba n pia iniverisite banma sieditila pò ban yaaba ke mi tuonluoma tie bi pakili.

II.5. Ku gbanansaagu jeliti tuona, bi nipanba leni a tuona báama koanbáli waani a Koanbála Táanli ke bi baa bogini li kutanjagili boaginma (biigima) yaama yaa yèli n tie « **Li kutanjagili Yennenga bi puoba pò** ». Laa kutanjagili baa tieni li binli 2026 citaa dana 23 ki gedi 29.

Mi taabuakpiama kutanjagili baa tieni banà muu (05) nni ya n pòandi ti diema dogi boncianla nni, ki teni ti dogi bonpiakaala yaala n pààdi pààdi leni yala n baa mi fuoma ki pugini ki go teni bi niba n tuo laa jeligu. Yaa dogi n baa taani laa jeligu nni siiga pia Benen, Burundi, Kamerunni, Kodivuari, Keniya, Mali, Namibi leni Niseeri.

Li binli 2026 kutanjagili Yennenga bi puoba pò n lingi yaala siiga tianla tie ki teni Bulicina Faso puoma n suagi ki liiga u gbanansaagu jeliti nni, ki tùndi bi niba ban bandi bi puoba n pia yaa moandili bi niba yema leni u loagu findima po, ki nan go teni bi niba n bandi bulicina ki pugini.

III. BAN DINI YAABA A BÁLA

III.1. BAN DINI YAABA A BÁLA YENDI YENDO TUONA NNI

A. BULICINA FASO YUDANCIAMO BADIDIEGU KANI

- O joa Arisèni **RUWANBA**, o tie **Minteligbeeli**, o tua li tuonsoancàgìli Faso Mèbo Yudanciamo;
- O joa Benjamina **BINGO**, o lanba li tuonli nni tie **294 360 P**, o tie Bàalo ligidiedi goandikoa, bi dini o li báli ke o tua li tuonsoancàgìli Faso Mèbo ligikubili tuona Yudaano;
- O joa Rayangenewendé Dareli Odilon **WEDIRAWOGO**, o tie **Minteligbeeli**, bi dini o li báli ke o tua li tuonsoancàgìli Faso Mèbo tuonsoanba gobidima càgìli Yudaano.

B. KU CICIKOANBADIEGU

- O joa Ségérìmi **RONBA**, o lanba li tuonli nni tie **57 199 L**, o tie Bàalo ligidiedi goandikoa, bi dini o li báli ke o tua Bàalo ligidiedi tuona goandikoa ;
- O joa Jan Filipi **DAKURE**, o lanba li tuonli nni tie **104267 W**, o tie Bàalo ligi tuonsoandiedi tuona gobidikoa, bi dini o li báli ke o tua tundikoa u loagu tuona diidima nni;
- O joa Wendi Benedo Jan Silivesitiri **KOROGO**, o tie **Minteligbeeli**, bi dini o li báli ke o tua mi diema nni, yaa càgìli n diidi ti jakoantiadi tuona (ESIPE/SENEKA) Tidianlo.

C. YAA KOANBADIEGU N DÌIDI BU KPAABU, MI ÑIMA, LI YANWUBILI LENI MI ÑIMA NNI BONPIAKAALA TUONA KANI

- O púa Dawu Irèni **TARAWORE**, o lanba li tuonli nni tie **47 685 F**, o tie Bàalo ligi tuonsoandiedi tuona gobidikoa, bi dini o li báli ke o tua Bàalo ligi tuonsoandiedi tuona goandikoa ;

- O joa Donkora **KANBU**, o lanba li tuonli nni tie **83 980 E**, o tie bu kpaabu tuona bando, bi dini o li báli ke o tua li koanbáli tundikoa mi tuonbánma nni, ki tua o joa Mahamudu TIEMITORE lebidu;
- O joa Seyidu **SANA**, o lanba li tuonli nni tie **83 979 H**, o tie i tinkundogi tuona bando, bi dini o li báli ke o tua li koanbáli tundikoa mi tuonbánma nni, ki tua o joa Bukali SAVADOGO lebidu ;
- O joa Yaseya **GANAME**, o lanba li tuonli nni tie **216 305 J**, o tie i tinkundogi tuona bando, bi dini o li báli ke o tua li koanbáli todikoa ;
- O joa Wendigudi Jaka **BONKUNGU**, o lanba li tuonli nni tie **213 864 M**, o tie mi gaanilindima tuona goandikoa, bi dini o li báli ke o tua li koanbáli todikoa, ki tua o joa Bienveni SONU lebidu;
- O joa Bukali **SAVADOGO**, o lanba li tuonli nni tie **47 770 D**, o tie bi niba yema todima gobidikoa, bi dini o li báli ke o tua li koanbáli todikoa ;
- O joa Pamusa **WEDIRAWOGO**, o lanba li tuonli nni tie **46 066 U**, o tie gadeforenba tuona Goandikaciamo, bi dini o li báli ke o tua li koanbáli todikoa ;
- O joa Musa **RAMIDE**, o lanba li tuonli nni tie **289 067 Y**, o tie i tinkundogi tuona bando, bi dini o li báli ke o tua Jôrô désiyon nni bu kpaabu, mi ñima, li yanwubili leni mi ñima nni bonpiakàala tuona Yudaano ;
- O joa Wendi-Kuni José **BAMA**, o lanba li tuonli nni tie **271 688 K**, o tie gadeforenba tuona Goandikaciamo, bi dini o li báli ke o tua i tiidi bonbulikàala (bonpagikàala) tuonsoandiegu Yudaano ;
- O joa Bêma Rolan **SANU**, o lanba li tuonli nni tie **213 860 W**, o tie mi gaanilindima tuona goandikoa, bi dini o li báli ke o tua yaa tuonsoanjaali n diidi tanpoli fawaama ŋamu Yudaano mi gaanilinma leni u kaanu ŋangu tuonsoandieciangu (DESESEVE) kani ;

- O joa Budunoma Konsitanten Adama **NIKIEMA**, o lanba li tuonli nni tie **254 972 K**, o tie i tinkundogi tuona bando, bi dini o li báli ke o tua yaa tuonsoadiegu n die mi ñima nni bonpiakàala táanma Yudaano ;
- O joa Losi Rosé **DAKIYO**, o lanba li tuonli nni tie **245 159 M**, o tie li lubili tuona goandikoa, bi dini o li báli ke o tua yaa báli máama leni yaa mábilikàama n gobidi a tinbuona tuona Yudaano a tinbuona, mi bangima leni i tinkundogi boginma tuona Tuonsoandieciangu kani ;
- O joa Bakena Amedi **KARAMA**, o lanba li tuonli nni tie **264 109 M**, o tie li kpaagibandili tuona tundikoa, bi dini o li báli ke o tua yaa tuonjaali n òidi mi ñima ñamu Yudaano mi ñima leni mi ñima nni bonpiakàala Tuonsoandieciangu kani ;
- O joa Wièmè **SOME**, o lanba li tuonli nni tie **215 302 Z**, o tie li yanwubili tuona bando, bi dini o li báli ke o tua li yanwubili tuona findima tuonjaali Yudaano a tinbuona, mi bangima leni i tinkundogi boginma tuona Tuonsoandieciangu kani ;
- O joa Wënditowê Barinabi **NIKIEMA**, o lanba li tuonli nni tie **216 285 M**, o tie i tinkundogi tuona bando, bi dini o li báli ke o tua ku koanbadiegu tuona kpaagibandima leni yaa làabáali n tuugi leni mi ñima tuonsoanjaali Yudaano mi ñima leni mi ñima nni bonpiakàala Tuonsoandieciangu kani ;
- **WEDIRAWOGO** púa Salisa /**KARIGUGU**, o lanba li tuonli nni tie **315 221 D**, o tie i tinkundogi tuona bando, bi dini o li báli ke o tua mi lingima leni mi kpaagibandima mi gaanilindima ñamu po tuonsoandiegu Yudaano ;
- O joa Sibiri Donasien Jakoabo **BONKUNGU**, o lanba li tuonli nni tie **362 047 Z**, o tie i tinkundogi leni mi ñima nni bonpiakàala tuona bando, bi dini o li báli ke o tua u ñinkpidu tuona findima càgili Yudaano i yankpakaani boginma leni u ñinkpidu tuona findima tuonsoandieciangu kani ;

- O joa Eriki Rega Kirisitofi **BAYALA**, o lanba li tuonli nni tie **293 425 F**, o tie mi gaanilindima tuona goandikoa, bi dini o li báli ke o tua yaa tuonjaali n n diidi ku tiigu pedima pàka leni li fuali biidima wadima (REDEDE+) Yudaano ;
- O joa Al Ibirayimi **TARAWORE**, o lanba li tuonli nni tie **264 114 J**, o tie li kpaagibandili tuona tundikoa, bi dini o li báli ke o tua yaa càgili n boagidi mi jiema gobidima Yudaano li jeegúóli tuonsoandiegu kani ;
- O púa Nongawendé Ela **SONGO**, o lanba li tuonli nni tie **264 384 K**, o tie bu kpaabu tuona bando, bi dini o li báli ke o tua li ñingili leni li naabili mi yepaama nni càgili Yudaano li jeegúóli tuonsoandiegu kani;
- O joa Jan Filipi **BADOLO**, o lanba li tuonli nni tie **94 485 M**, o tie gadeforenba tuona Goandikoa, bi dini o li báli ke o tua li ñandunli n ñani yaa maadidagidima mi findimoanma leni mi gaanilindima, ku tiigu ñalimano leni u yogunu lebidima tuona Yudaano bu kpaabu leni mi findimoanma tuona càgili jaga tila dianma leni a kubima tuonli kani ;
- O púa Tégawendé Esiteeri **WEDIRAWOGO**, o lanba li tuonli nni tie **212 656 E**, o tie i tinkundogi tuona bando, bi dini o li báli ke o tua mi ñima nni bonbuakàala tonma leni iñinbonfuodi leni ku ñangu tuona Yudaano li jeegúóli tuonsoandiegu kani.

D. YAA KOANBADIEGU N DIE U LOAGU LENI I LIGI KUBIMA TUONA KANI.

- O joa Lasana **KONATE**, o lanba li tuonli nni tie **40 466 K**, o tie li lubili tuona goandikoa, bi dini o li báli ke o tua Waga III lùbipáma tuonsoandiegu Yudaano;
- O joa Anburuasi **WEDIRAWOGO**, o lanba li tuonli nni tie **104 653 N**, o tie Bàalo ligi tuonsoandiedi tuona gobidikoa, bi dini o li báli ke o tua u cógú leni mi bancanma lingima tuona todima ligicàgili (FOSERI) tiakubilo ;

- O púa Nibègirè Silivi Mari Horitansi **SOME**, o lanba li tuonli nni tie **200 267 S**, o tie i ligi kubima tuona gobidikoa, bi dini o li báli ke o tua bi niba yema gamu tuonsoanba bangima cogidieli Tiakubilo;
- O joa Luwi **SEYIDA**, o lanba li tuonli nni tie **53 607 W**, o tie Bàaló ligidiedi tuona diidikoa, bi dini o li báli ke o tua yaa tuonjaali n moa ti bonyugididi leni ti yandi findima Tiakubilo;
- **WEDIRAWOGO** púa Mamunata **WEDIRAWOGO**, o lanba li tuonli nni tie **58 576 K**, o tie Bàalo ligidiedi goandikoa, bi dini o li báli ke o tua yaa koanbadiegu n die ku gbanansáagu jeliti tuona, bi nipanba leni a tuona báama tiakubilo;
- O joa Alibeeri **SANU**, o lanba li tuonli nni tie **91 689 G**, o tie Bàalo ligi tuonsoandiedi tuona gobidikoa, bi dini o li báli ke o tua u báadogu máama tuona koanbadiegu tiakubilo.

E. MI DIEMA NIBA TUONSOANBA KOANBADIEGU KANI

- O joa Wurosu Olivié Konsitanten **SANU**, o lanba li tuonli nni tie **94 464 G**, o tie a ñina yiani buuma lotociamo, bi dini o li báli ke o tua mi diema nni Bàalo tuonsoanjaali yaali n tiebi bi niba tugili bi yianbuuli nni (SENAMU) Yudanciamo

F. YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA KANI

- **YAMEWOGO** púa Nebinoma Patirisia **BERE**, o lanba li tuonli nni tie **78 219 K**, o tie koleesinba leni liseenba cogibicanbaa, bi dini o li báli ke o tua li koanbáli todikoa, ki tua o púa Bintu SARA lebidu ;
- O joa Matiasi **DOLI**, o lanba li tuonli nni tie **130 561 T**, o tie Bujialo, bi dini o li báli ke o tua li koanbáli todikoa ;
- O joa Berinari **BELEMIYEGIRE**, o lanba li tuonli nni tie **200 554 P**, o tie u loagu tuona tundikoa, bi dini o li báli ke o tua ku koanbadiegu tuona yankpaagidaano ;

- O joa Serisi Eriki **KONPAWORE**, o lanba li tuonli nni tie **119 833 T**, U o tie u loagu tuona tundikoa, bi dini o li báli ke o tua ku koanbadiegu tuona yankpaagidaano.

G. YAA KOANBADIEGU N DIE KU GBANANSÁAGU JELITI TUONA, BI NIPANBA LENI A TUONA BAAMA KANI

- O joa Abidulayi **WATARA**, o lanba li tuonli nni tie **35 155 T**, o tie a bicegidikàana cogidiena goandikoa, bi dini o li báli ke o tua li koanbáli todikaaba càgili Yudaano ;
- O joa Yakuba **GIGIMA**, o lanba li tuonli nni tie **35 920 T**, o tie li lubili tuona goandikoa, bi dini o li báli ke o tua li tuonli báama tuonsoandiegu Bulicina nni « ABEPE » Faso Tonlo Sayi Yudanciamo ;
- O joa Musa **SERE**, o lanba li tuonli nni tie **259 739 D**, o tie mi tuonsoanbanma tuona tundikoa, bi dini o li báli ke o tua Bankuyi désiyon nni ku gbanansáagu jeliti tuona, bi nipanba leni a tuona báama Yudaano ;
- O joa Sibiri Féligisi **SUNGIRANA**, o lanba li tuonli nni tie **246 611 W**, o tie bi nipanba cógú leni mi bangima tundikoa, bi dini o li báli ke o tua Jôrô désiyon nni ku gbanansáagu jeliti tuona, bi nipanba leni a tuona báama Yudaano ;
- O joa Seydou **KABORE**, o lanba li tuonli nni tie **117 250 M**, o tie ku gbanansáagu jeliti tuona cogibicanbaa koleesinba leni liseenba nni, bi dini o li báli ke o tua Giriko désiyon nni ku gbanansáagu jeliti tuona, bi nipanba leni a tuona báama Yudaano ;
- O joa Jan-Baptisiti **KUNBEMI**, o lanba li tuonli nni tie **117 243 D**, o tie ku gbanansáagu jeliti tuona cogibicanbaa koleesinba leni liseenba nni, bi dini o li báli ke o tua u Gulmu désiyon nni ku gbanansáagu jeliti tuona, bi nipanba leni a tuona báama Yudaano ;
- **HIEN** púa Nida Bilansi **TARAWORE**, o lanba li tuonli nni tie **228 360 L**, o tie bi nipanba cógú leni bi bangima tundikoa bi dini o li báli ke o tua

Kulisé désiyon nni ku gbanansáagu jeliti tuona, bi nipanba leni a tuona báama Yudaano ;

- O joa Mahamudu **SAWADOGO**, o lanba li tuonli nni tie **303 895 F**, o tie mi tuonsoanbanma tuona tundikoa, bi dini o li báli ke o tua Lipitako désiyon nni ku gbanansáagu jeliti tuona, bi nipanba leni a tuona báama Yudaano ;
- O joa Kisasida Hibeeri **SUNGIRANA**, o lanba li tuonli nni tie **35 997 Z**, o tie ku gbanansáagu jeliti tuona cogibicanbaa koleesinba leni liseenba nni, bi dini o li báli ke o tua Nakanbé désiyon nni ku gbanansáagu jeliti tuona, bi nipanba leni a tuona báama Yudaano ;
- O joa Suwa **SAHUNA**, o lanba li tuonli nni tie **111 515 B**, o tie ku gbanansáagu jeliti tuona cogibicanbaa koleesinba leni liseenba nni, bi dini o li báli ke o tua Nando désiyon nni ku gbanansáagu jeliti tuona, bi nipanba leni a tuona báama Yudaano ;
- O púa Aminata **SISOKO**, o lanba li tuonli nni tie **227 625 V**, ku gbanansáagu jeliti tuona cogibicanbaa koleesinba leni liseenba nni, bi dini o li báli ke o tua Nasinon désiyon nni ku gbanansáagu jeliti tuona, bi nipanba leni a tuona báama Yudaano ;
- O púa Pêgi-Wendé Apolini Mari Rolandi **BALIKUMA**, o lanba li tuonli nni tie **324 698 N**, o tie mi tuonsoanbanma tuona tundikoa, bi dini o li báli ke o tua Ubiri désiyon nni ku gbanansáagu jeliti tuona, bi nipanba leni a tuona báama Yudaano ;
- O joa Adama **KONFE**, o lanba li tuonli nni tie **220 352 Y**, o tie bi nipanba cógú leni bi bangima tundikoa bi dini o li báli ke o tua Tannunyan désiyon nni ku gbanansáagu jeliti tuona, bi nipanba leni a tuona báama Yudaano.

III.2. BAN ÑANI YUA BÀALO TUONLI NNI

LI LAAFIALI KOANBADIEGU KANI

A Koanbála Táanli taa li jagili ki ñani o joa Jaka BOA Bàalo tuonli nni, o lanba li tuonli nni tie **278 480 M**, o tie Dokiteeri yua n buu bu ñoabu nni, ki nunga, u tulu yiani, bi ñani o Bàalo tuonli nni kelima o tieni tagilibiadi.

III.3. BAN DINI YAABA A BÁLA A TUONSOANJÀANA YÈLI PÒ

A Koanbála Táanli den báa ban dini yaaba a bála a tuonjáana tuona boginma pò:

- Ku gbanansáagu jeliti tuona leni bonceli danba làabáalitenma tuona ligicàgili (FASEPI) ban yi yaali « Wasa Bondo », ku Cicikoanbadiegu yèli nni;
- Yaa càgili n todi a kpenkpenda ke bi fidi ki kuandi bi ki ñandi ti tiakuadikaadi mi diema nni (SEBESE), yaa koanbadiegu n die mi diema tinbuona gobidima leni a sancena tuona yèli nni;
- Yaa cagili n diidi Bulicina Faso nni a tuona soanma pò ligibilike ligidiegu tuona , yaa koanbadiegu n die u loagu leni i ligi kubima tuona yèli nni;
- Ku lotodieciangu Suro Sanu, Siniaré lotodieciangu, bi tuonsoanba laafialo pò tuonsoandiegu li laafiali koanbadiegu yèli nni;
- Bulicina tinmu tama leni mu piama bandima tuonsoanjaali (BIMISEBI), yaa koanbadiegu n diidi kuuran tuona leni ki tinga tugu nni piama tuona yèli nni.

A Koanbála Táanli go den báa ban dini yaaba a bála ke bi tua u yogunu n cuoni máama bandima tuonsoandiegu tuona boginma càgili gobidikaaba, yaa koanbadiegu n die ti diema tinbuona gobidima leni a sancena tuona yèli nni.

A Koanbála Táanli den báa ban dini yaaba a bála ke bi tua u gbanansáagu jeliti tuona leni bonceli danba làabáalitenma tuona ligicàgili (FASEPI) ban yi yaali « Wasa Bondo » leni yaa càgili n pegidi ki go diidi a tuona u yogunu n cuoni maama bandima tuonsoandiegu tuona boginma càga Yudanba.

A. Ku Cicikoanbadiegu

A Koanbála Táanli táa **masienkàama tila lie (02).**

Mi masienkàama tikpiali dinini li báli yaa niba yaa yèla n ɲua ne ke bi tua ku gbanansáagu jeliti tuona leni bonceli danba làabáalitenma tuona ligicàgili (FASEPI) ban yi yaali « Wasa Bondo » tuona boginma càgili gobidikaaba.

YAABA N TUA A TUONA BOGINMA CÀGILI GOBIDIKAABA BÀALÓ YÈLI PÒ

Ku Cicikoanbadiegu kani:

- O joa Yakuba **BANGIRE**, o lanba li tuonli nni tie **212 197 C**, o tie u loagu tuona tundikoa.

Yaa koanbadiegu n die u loagu leni i ligi kubima tuona kani:

- **WEDIRAWOGO** púa Wendipaga Adiara **SORE**, o lanba li tuonli nni tie **91 256 B**, o tie Bàalo ligidiedi goandikoa.

Yaa koanbadiegu n die ku gbanansáagu jeliti tuona, bi nipanba leni a tuona báama kani:

- **SOME** púa Guoliñé Oréli Hanriyeti **SOMIDA**, o lanba li tuonli nni tie **47 708 A**, o tie koleesinba leni liseenba cogibicanbaa.

Yaa koanbadiegu n die i làabáali, ku maasuagu, i nii tagima leni yanluadi goada tuona, Guverinema masoaginlo kani :

- **SOME** púa Sérafini **MILLOGO**, o lanba li tuonli nni tie **98 287 Z**, o tie li làabáalitenli tuona tundikoa.

**YUA N TUA A TUONA BOGINMA CÀGILI GOBIDIKOÀ BONCELI
DANBA LAABAALITILA YÈLI PÒ**

- **BILIGO** púa Hawa **LI**, o tie làabáalitenlo.

**YUA N TUA A TUONA BOGINMA CÀGILI GOBIDIKOÀ BULICINA
FASO DÉSIYONBA TAANCÀGILI YÈLI PÒ**

- O joa Abidiramani **WEDIRAWOGO**, o lanba li tuonli nni tie **229 890 L**, o tie a tinbuona gobidikoa.

**YUA N TUA A TUONA BOGINMA CÀGILI GOBIDIKOÀ BULICINA
FASO MEERINBA TAANCÀGILI YÈLI PÒ**

- O joa Yasia **SAWADOGO**, o lanba li tuonli nni tie **35 961 F**, o tie koleesinba leni liseenba cogibicanbaa.

Mi masienkàama tilieli dini li báli **WEDIRAWOGO** púa Wendipaga Adiara **SORE**, o lanba li tuonli nni tie **91 256 B**, o tie Bàalo ligidiedi goandikoa, o tua ku gbanansáagu jeliti tuona leni bonceli danba làabáalitenma tuona ligicàgili (FASEPI) ban yi yaali « Wasa Bondo » tuona boginma càgili Yudaano.

**B. YAA KOANBADIEGU N DIE TI DIEMA TINBUONA GOBIDIMA
LENI A SANCENA TUONA**

A Koanbála Táanli taa **masienkàama tila taa (03)**.

Mi masienkàama tikpiali dini li báli yaa niba yaa yèla n ŋua ne ke bi tua yaa càgili n pegidi ki go diidi a tuona u yogunu n cuoni maama bandima tuonsoandiegu tuona boginma càgili gobidikaaba, Bàalo yèli po bi cici báli pò bina taa (03).

Yaa koanbadiegu n die ti diema tinbuona gobidima leni a sancena tuona kani:

- O joa Hikoti **ÑUMU**, o lanba li tuonli nni tie **130 465 B**, o tie Bujialo, ki tua o joa Mamadu WATARA lebidu ;
- O joa Kudugu Abeli **SONGO**, o tie **Minteligbeeli**, ki tua o joa Hayidara Mokitaari TABORE lebidu.

Mi masienkàama tilieli dini li báli o joa Hikoti **ÑUMU**, o lanba li tuonli nni tie **130 465 B**, o tie Bujialo, o tua yaa càgili n pegidi ki go diidi u yogunu n cuoni màamà bandima tuonsoandiegu tuona boginma càgili Yudaano o cici báli pò bina táa (03) ki tua o joa Mamadu WATARA lebidu.

Mi masienkàama titaali dini li báli yaa niba yaa yèla n nua ne ke bi tua yaa càgili n todi a kpenkpenda ke bi fidi ki kuandi bi ki ñandi ti tiakuadikaadi mi diema nni (SEBESE) tuona boginma càgili Gobidikaaba bi cici báli pò bina táa (03).

YAABA N TUA A TUONA BOGINMA CÀGILI GOBIDIKAABA BÀALÓ YÈLI PÒ

Bulicina Faso Yudanciamo badidiegu kani:

- O joa Mohamedi Tijani **KINDA**, o lanba li tuonli nni tie **334 022 K**, o tie Iniverisité cogibicanbaa.

Yaa koanbadiegu n die u loagu leni i ligi kubima tuona kani :

- O joa Tégawendé Andiré **SAGIRE**, o lanba li tuonli nni tie **51 956 H**, o tie duaninba tuona Goandikoa.

YUA N TUA A TUONA BOGINMA CÀGILI GOBIDIKO A BULICINA FASO NNI U KPENDU LENI MASINI BONTAGIKAALA TUONSOANKAANI CÀGILI YÈLI PÒ

- O joa jakarija **ÑAMU**, o lanba li tuonli nni tie **23 19 245 M**, o tie u loagu tuona bando

C. YAA KOANBADIEGU N DIE U LOAGU LENI I LIGI KUBIMA TUONA

A Koanbála Táanli taa **masienkàama tili yenli** ki dini li báli o joa Patindé Wendinda Jan Ivi **BELEMI**, o lanba li tuonli nni tie **58 450 U**, o tie Bàalo ligidiedi goandikoa, o tua Bulicina Faso nni li báali lingima ligidiedi tuona boginma càgili gobidikoa, Bàalo yèli po, yaa koanbadiegu n die u loagu leni i ligi kubima tuona kani, o cici báli pò bina taa (03).

D. LI LAAFIALI KOANBADIEGU

A Koanbála Táanli taa **masienkàama tila taa (03)**.

Mi masienkàama tikpiali guani ki pandi o joa Sandipawendé Makeeri **WEDIRAWOGO** báli, o lanba li tuonli nni tie **94 470 B**, o tie Iniverisité li laafiali cogibicanbaa, o tua ku logigitodieciangu Suro Sanu tuona boginma càgili gobidikoa Bàalo yèli pò yaa koanbadiegu n die a cogibigbenga cógú leni mi bancanma linginma tuona kani, o cici báli pò bina taa (03).

Mi masienkàama tilieli dini li báli o joa Jan-Batisiti **SEYIDA**, o lanba li tuonli nni tie **43 132 B**, o tie Bàalo ligidiedi goandikoa, o tua Siniaré lotodieciangu tuona boginma càgili gobidikoa, Bàalo yèli po, yaa koanbadiegu n die u loagu leni i ligi kubima tuona kani, o cici báli pò bina taa (03).

Mi masienkàama titaali dini li báli o joa N'so **BAKIEKA**, o lanba li tuonli nni tie **082 349 X**, o tie lotobanciamo, o tua bi tuonsoanba laafialo pò tuonsoandiegu tuona boginma gobidikoa li tuonjaali tuonsoanba yèli po, o cici báli pò bina taa (03).

E. YAA KOANBADIEGU N DÌIDI KUURAN TUONA LENI KI TINGA TUGU NNI PIAMA TUONA

A Koanbála Táanli táa **masienkàama tili yenli** ki dini li báli o joa **Olivié KIEMA**, o lanba li tuonli nni tie **118 698 M**, o tie u loagu tuona bando, o tua Bulicina tinmu tama leni mu piama bandima tuonsoanjaali (BIMISEBI) tuona boginma càgili gobidikoa, Bàalo yèli po, yaa koanbadiegu n die mi tagima tuonsoandiedi, u kpendu leni u nuu tuonsoanbanma tuona kani, o cici báli pò bina táa (03), ki tua o púa Asita TARAWORE lebidu.



www.sig.gov.bf

Gufenema Masoagindo



Pengidiwende Silibeedi WEDIRAWOGO
O baa Bàaló jaandi leni Tanjoa maalima